



**«Հայաստանի Ֆուտբոլի Ֆեդերացիա»
Հասարակական Կազմակերպության
և իր Դուստր Կազմակերպություններ**

Համախմբված ֆինանսական հաշվետվություններ
և

Անկախ աուդիտորի եզրակացություն

2022թ. դեկտեմբերի 31-ին
ավարտված տարվա համար

ԱՆԿԱԽ ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ

«Հայաստանի Ֆուտբոլի Ֆեդերացիա» ՀԿ-ի ժողովին

Կարծիք

Մեր կողմից իրականացվել է Հայաստանի Ֆուտբոլի Ֆեդերացիա ՀԿ-ի (հետայսու՝ Կազմակերպություն)՝ և նրա դուստր Կազմակերպությունների (հետայսու բոլորը միասին՝ «Խումբ») համախմբված ֆինանսական հաշվետվությունների աուդիտ, որոնք ներառում են 2022թ. դեկտեմբերի 31-ի դրությամբ ֆինանսական վիճակի մասին համախմբված հաշվետվությունը, նույն ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքի և դրամական միջոցների հոսքերի մասին համախմբված հաշվետվությունները, ինչպես նաև համախմբված ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով կից համախմբված ֆինանսական հաշվետվությունները տայիս են Խմբի՝ 2022թ. դեկտեմբերի 31-ի դրությամբ համախմբված ֆինանսական վիճակի և նույն ամսաթվին ավարտված տարվա համախմբված ֆինանսական արդյունքի ու դրամական հոսքերի ճշմարիտ և իրական պատկերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն իրականացրել ենք Աուդիտի միջազգային ստանդարտներին (ԱՄՍ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության «Աուդիտորի պատասխանատվությունը համախմբված ֆինանսական հաշվետվությունների աուդիտի համար» բաժնում:

Մենք անկախ ենք Խմբից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրք) և Հայաստանի Հանրապետությունում կիրառելի՝ ֆինանսական հաշվետվությունների աուդիտի նկատմամբ վարքագծի պահանջների, և մենք կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն:

Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում ներգրավված անձանց պատասխանատվությունը համախմբված ֆինանսական հաշվետվությունների համար

Խմբի ղեկավարությունը պատասխանատու է ՖՀՄՍ-ների համապատասխան համախմբված ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել Խմբի համախմբված ֆինանսական հաշվետվություններ, որոնք զերծ են խարդախության կամ սխալի արդյունքում եական խեղաթյուրումից:

Համախմբված ֆինանսական հաշվետվությունները պատրաստելիս, ղեկավարությունը պատասխանատու է Խմբի՝ անընդհատ գործելու հնարավորությունը գնահատելու, անընդհատ գործելուն առնչվող հարցերը բացահայտելու, ինչպես նաև գործունեության անընդհատության ենթադրության վրա հիմնված հաշվառում վարելու համար, քանի դեռ ղեկավարությունը չի նախատեսում լուծարել հումբը կամ դադարեցնել դրա գործունեությունը, կամ չունի իրատեսական այլընտրանք, բացի նշվածներից:

Կառավարման օղակներում ներգրավված անձինք պատասխանատու են Խմբի համախմբված ֆինանսական հաշվետվությունների կազմման գործընթացը վերահսկելու համար:

Աուդիտորի պատասխանատվությունը համախմբված ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ երաշխիքներ՝ խարդախությունների կամ սխալների հետևանքով համախմբված ֆինանսական հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի եզրակացություն, որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՍ համապատասխան իրականացված աուդիտը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցրած կարող են ազդել այս համախմբված ֆինանսական հաշվետվությունների օգտագործողների՝ դրանց հիման վրա կայացրած տնտեսական որոշումների վրա:

ԱՄՍ-ների համապատասխան իրականացվող աուդիտի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ, մենք.

- Բացահայտում և գնահատում ենք համախմբված ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար: Խարդախության արդյունք հանդիսացող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ հմբի ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարած հաշվապահական գնահատումների և համապատասխան բացահայտումների ողջամտությունը:
- Եզրահանգումներ ենք կատարում ղեկավարության կողմից անընդհատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա է իրադարձությունների կամ հանգամանքների հետ կապված էական անորոշություն, որը կարող է էական կասկած առաջացնել հմբի անընդհատ գործելու հնարավորության վերաբերյալ: Եթե մենք գալիս ենք եզրահանգման, որ գոյություն ունի էական անորոշություն, մենք պետք է մեր աուդիտորական եզրակացությունում ուշադրություն հրավիրենք համախմբված ֆինանսական հաշվետվություններում համապատասխան բացահայտումներին, կամ եթե նման բացահայտումները պատշաճ կերպով ներկայացված չեն, մենք պետք է ձևավորենք կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Կյնուամենայնիվ, աուդիտորը չի կարող երաշխավորել, որ ապագա իրադարձությունները կամ հանգամանքները չեն կարող հանգեցնել նրան, որ խումբը կորցնի իր անընդհատ գործելու կարողությունը:
- Գնահատում ենք համախմբված ֆինանսական հաշվետվությունների ընդհանուր առմամբ ներկայացումը, կառուցվածքը և բովանդակությունը, ներառյալ բացահայտումները, և արդյոք համախմբված ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:
- Ձեռք ենք բերում բավականաչափ ու համապատասխան աուդիտորական ապացույցներ հմբի ֆինանսական տեղեկատվության կամ գործունեության վերաբերյալ՝ համախմբված ֆինանսական հաշվետվությունների մասին կարծիք արտահայտելու նպատակով: Մենք պատասխանատվություն ենք կրում աուդիտորական աշխատանքների ուղղորդման, վերահսկման ու կատարման համար: Մենք լիովին պատասխանատու ենք մեր աուդիտորական կարծիքի համար:

Այլ հարցերի հետ մեկտեղ, մենք ղեկավարությանը և կառավարման օղակներում ներգրավված անձանց հաղորդակցում ենք աուդիտի պլանավորած շրջանակների և ժամկետների, ինչպես նաև աուդիտի ընթացքում հայտնաբերված էական թերացումների վերաբերյալ, ներառյալ աուդիտի ընթացքում մեր կողմից բացահայտված ներքին հսկողության կարևոր թերությունների վերաբերյալ:

29 հունիսի, 2023թ.
«Բի-Ղի-Օ Արմենիա» ՓԲԸ

Վահագն Սահալյան, FCCA
Տնօրեն




**«Հայաստանի Ֆուտբոլի ֆեդերացիա» ՀԿ և իր դուստր կազմակերպություններ
Շահույթի կամ վնասի և այլ համապարփակ ֆինանսական արդյունքների մասին համախմբված
հաշվետվություն**

2022թ. դեկտեմբերի 31-ին ավարտված տարվա համար

	Ծնթ.	2022թ. հազ. դրամ	2021թ. հազ. դրամ
Գործառնական եկամուտներ	5	6,802,819	7,941,004
Գործառնական ծախսեր	6	(4,907,576)	(7,001,698)
Վարչական ծախսեր	7	(1,534,996)	(1,117,758)
Գործառնական գործունեությունից շահույթ/(վնաս)		360,247	(178,452)
Ֆինանսական եկամուտ		745	14
Ֆինանսական ծախս		(9,555)	(2,828)
Արտարժույթի փոխարկումից ծախսեր		(80,965)	(35,975)
Փոխարժ. տարբ. օգուտ/(կորուստ), զուտ		(142,424)	285,899
Շահույթ մինչև հարկումը		(232,199)	247,110
Շահութահարկի գծով ծախս	8	(128,048)	(68,658)
Տարվա շահույթ		-	-
Այլ համապարփակ եկամուտ		-	-
Ընդամենը տարվա համապարփակ արդյունք		-	-
ՀՖՖ-ին վերագրելի տարվա շահույթ և համապարփակ արդյունք		-	-

Ֆինանսական հաշվետվությունները և դրանց կից ծանոթագրությունները (էջ 6 - 27) հաստատվել են «Հայաստանի Ֆուտբոլի ֆեդերացիա» ՀԿ ղեկավարության կողմից 29.06.2023թ.


 Արմեն Մելիքբեկյան
 ՀՖՖ Նախագահ


 Արշակ Գլխավոր հաշվապահ

**«Հայաստանի Ֆուտբոլի ֆեդերացիա» ՀԿ և իր դուստր կազմակերպություններ
Ֆինանսական վիճակի մասին համախմբված հաշվետվություն**

2022թ. դեկտեմբերի 31-ի դրությամբ

	Մնթ.	31.12.2022թ. հազ. դրամ	31.12.2021թ. հազ. դրամ
<i>Ակտիվներ</i>			
<i>Ոչ ընթացիկ ակտիվներ</i>			
Հիմնական միջոցներ	9	11,485,763	9,716,758
Անավարտ ոչ ընթացիկ ակտիվներ	10	2,950,130	2,867,656
Ոչ նյութական ակտիվներ	11	101,715	82,980
Կանխավճարներ ոչ ընթացիկ ակտիվների գծով		170,540	217,246
Այլ ոչ ընթացիկ ակտիվներ	12	1,378,192	1,268,627
Հետաձգված հարկային ակտիվ	8	9,496	6,819
		<u>16,095,836</u>	<u>14,160,086</u>
<i>Ընթացիկ ակտիվներ</i>			
Պաշարներ	13	1,302,030	716,454
Առևտրային և այլ դեբիտորական պարտքեր	14	890,724	615,146
Դրամական միջոցներ և դրանց համարժեքներ	15	2,558,272	64,551
Տրված փոխառություններ		28,500	3,000
		<u>4,779,526</u>	<u>1,399,151</u>
		<u>20,875,362</u>	<u>15,559,237</u>
<i>Ընդամենը ակտիվներ</i>			
<i>Պարտավորություններ</i>			
<i>Ոչ ընթացիկ պարտավորություններ</i>			
Ակտիվներին վերաբերող շնորհներ	16	14,665,523	12,819,225
		<u>14,665,523</u>	<u>12,819,225</u>
<i>Ընթացիկ պարտավորություններ</i>			
Ստացված վարկեր և փոխառություններ	17	482,426	568,253
Առևտրային և այլ կրեդիտորական պարտքեր	18	3,006,697	592,135
Շահութահարկի գծով պարտավորություն	8	117,849	56,531
Եկամուտներին վերաբերող շնորհներ	19	2,602,867	1,523,093
		<u>6,209,839</u>	<u>2,740,012</u>
		<u>20,875,362</u>	<u>15,559,237</u>
<i>Ընդամենը պարտավորություններ</i>			
<i>Զուտ ակտիվ</i>		-	-

**«Հայաստանի Ֆուտբոլի ֆեդերացիա» ՀԿ և իր դուստր կազմակերպություններ
Դրամական միջոցների հոսքերի մասին համախմբված հաշվետվություն**

2022թ. դեկտեմբերի 31-ին սվարտված տարվա համար

	2022թ. հազ. դրամ	2021թ. հազ. դրամ
<u>Գործառնական գործունեություն</u>		
Տարվա շահույթ	-	-
<u>Ճշգրտումներ</u>		
Մաշվածություն և ամորտիզացիա	1,035,152	956,575
Հիմնական միջոցի դուրս գրում	233	-
Հաշվեգրված տոկոսներ	8,810	2,814
Շնորհից եկամուտ	(6,073,014)	(6,502,834)
Շահութահարկի գծով ծախս	232,199	65,171
Դեբիտորական պարտքի գծով պահուստ	0	48,409
Արձակուրդի գծով պահուստ	23,160	4,937
Այլ	0	-
Փոխարժեքային տարբերություններից զուտ կորուստ/(օգուտ)	142,424	(286,378)
<u>Գործառնական հոսք նախքան շրջանառու կապիտալի փոփոխությունները</u>	(4,631,036)	(5,711,306)
Պաշարների փոփոխություն	(585,575)	(5,253)
Առևտրային և այլ դեբիտորական պարտքերի փոփոխություն	(348,984)	(382,337)
Առևտրային և այլ կրեդիտորական պարտքերի փոփոխություն	2,447,951	295,854
Եկամուտներին վերաբերող շնորհների փոփոխություն	9,000,789	6,451,078
<u>Գործառնական դրամական միջոցների զուտ հոսք մինչև շահութահարկի վճարումը</u>	10,514,181	648,036
Վճարված շահութահարկ	(173,559)	(13,016)
<u>Գործառնական գործունեությունից զուտ դրամական հոսք</u>	5,709,587	635,020
Ոչ ընթացիկ ակտիվների ձեռքբերումից ելքեր	(2,970,591)	(449,157)
Ոչ ընթացիկ ակտիվների աճ	0	1,096,473
Տրված փոխառություններ	(25,500)	(3,000)
Անավարտ շինարարության աճ	(82,471)	(1,711,142)
<u>Ներդրումային գործունեությունից զուտ դրամական հոսք</u>	(3,078,562)	(1,066,826)
Տոկոսների վճարում	(8,810)	(2,828)
Կարճաժամկետ բանկային վարկերի ստացում/ (մարում), զուտ	(5,195)	486,036
<u>Ցինանսական գործունեությունից զուտ դրամական հոսք</u>	(14,005)	483,208
<u>Դրամական միջոցների և դրանց համարժեքների զուտ աճ/(նվազում)</u>	2,617,020	51,402
<u>Արտարժույթի փոխարժեքի ազդեցությունը դրամական միջոցների և դրանց համարժեքների վրա</u>	(123,297)	(80,776)
Դրամական միջոցներ և դրանց համարժեքներ տարվա սկզբի դրությամբ	64,550	93,924
Դրամական միջոցներ և դրանց համարժեքներ տարվա վերջի դրությամբ (տես. ծնթ. 15)	2,558,273	64,551